



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, Ul. Jošanička br. 80, tel: 00387 33 586-413, fax: 033 586-444

Broj:03-20-703/20

Vogošća, 04.05.2020. godine

Na osnovu Odluke Vlade Federacije BiH o proglašenju stanja prirodne nesreće uzrokovane pojavom pandemije corona virusa (covid 19), na području FBiH, Broj: V 408/2020 od 16.03.2020. godine, te na osnovu Javnog poziva za predaju zahtjeva za dodjelu plastenika od 100 m² sa dodatnom opremom, broj: 03-20-703/20 od 10.04.2020. godine, Općinski načelnik donosi:

Z A K L J U Č A K

O IZMJENI PRAVILNIKA O UTVRĐIVANJU USLOVA, KRITERIJA I POSTUPAKA ZA OSTVARIVANJE PRAVA NA DODJELU PLASTENIKA U SKLOPU REALIZACIJE PROJEKTA „DODJELA PLASTENIKA OD 100 M² NA PODRUČJU OPĆINE VOGOŠĆA ZA 2020. GODINU“

1.

Imajući u vidu okolnosti i činjenice koje nužno iziskuju podršku lokalnom stanovništvu koje se bavi poljoprivredom, a u vezi pojave pandemije corona virusa, te proglašenje stanja prirodne nesreće od strane Kriznog štaba Federalne Uprave Civilne zaštite, Broj V 408/2020 od 16.03.2020. godine, mijenja se dio Pravilnika o utvrđivanju uslova, kriterija i postupaka za ostvarivanje prava na dodjelu plastenika u sklopu realizacije projekta „dodjela plastenika od 100 m² na području općine Vogošća za 2020. godinu“, broj: 03-20-702/20 od 09.04.2020. godine.

Član 2.

Izmjena Pravilnika se odnosi na član 2., član 3. stav 2 i član 5. stav c), naprijed navedenog Pravilnika, tako da dosadašnji član 2. glasi:

„Pravo na učešće u Projektu imaju sva zainteresovana fizička i pravna lica, koji imaju prebivalište na području općine Vogošća, koji su upisani u Registar poljoprivrednog gazdinstva i Registar klijenata Općine Vogošća, koji su vlasnici ili suvlasnici u porodičnom domaćinstvu zemljišta površine najmanje 500 m², te ispunjavaju uslove propisane ovim Pravilnikom.“

Dosadašnji član 3. stav 2. glasi:

„b). Da je podnosilac zahtjeva vlasnik/suvlasnik u porodičnom domaćinstvu zemljišta površine najmanje 500 m², pogodnog za plasteničku proizvodnju na području općine Vogošća.“

I dosadašnji član 5. stav c) glasi:

„podnosioci koji su u poslednjih 5 godina ostvarili pravo na donaciju, dodjelu ili sufinansiranje nabavke plastenika površine 100 m² sa dodatnom opremom od Općine Vogošća, se isključuje iz bodovanja“.

Član 3.

Bodovanje podnosioca zahtjeva prioritarno će se vršiti shodno socijalnom statusu aplikanta, imovnom stanju, odnosno, visini primanja po članu domaćinstva.

Član 4.

Ovim Pravilnikom prestaju da važe odredbe „Pravilnika o utvrđivanju uslova, kriterija i postupaka za ostvarivanje prava na dodjelu plastenika u sklopu realizacije projekta „dodjela plastenika od 100 m² na području općine Vogošća za 2020. godinu“, broj: 03 -20-702/20 od 09.04.2020. godine.



OPĆINSKI NAČELNIK

Edin Smajić
Edin Smajić